

MINISTRI WANTAIM OL YUT (YOUTH MINISTRY)¹

KI VES BILONG WOK WANTAIM OL YUT: Luk 2:52

Dispela ves i skulim yumi olsem: Jisas i bin kamap bikpela long foapela sait:

- 1) Long sait bilong bodi - "Jisas i kamap bikpela..." (stature)
- 2) Long sait bilong tingting - "...na save bilong en i kamap gutpela tru..." (wisdom)
- 3) Long sait bilong spirit - "...Na God i laikim em tru..." (favor with God)
- 4) Long sait bilong felosip wantaim arapela manmeri (social) - "...na ol man tu i laikim em." (favor with man)

Olsem na dispela ves i soim yumi i gat foapela sait bilong olgeta manmeri i mas kamap bikpela. Olsem na sapos yu laik mekim wok wantaim ol yut, yu mas wok long helpim ol yut i ken kamap strong long dispela foapela sait:

1. **OL ROT YU KEN YUSIM LONG STRONGIM OL YUT LONG SAIT BILONG SPIRIT.** Dispela em i nambawan sait na nambawan wok yu mas mekim taim yu laik wok long ministri wantaim ol yut.
 1. LONG TAIM BILONG BIKPELA BUNG. Olsem Sande skul, moning lotu, apinun lotu, yut felosip, i go i go.
 2. LONG TAIM BILONG LIKLIK BUNG. Olsem trinde nait prea bung, disaipelsip klas, i go, i go.
 3. LONG TAIM YU TOKTOK WANTAIM WANPELA YUT WAN WAN. Olsem taim yu sanap nating, long taim yu makim long wanwan yut i ken kam na sindaun wantaim yu long ofis long kisim kaunsel, i go, i go.
2. **OL ROT YU KEN YUSIM LONG STRONGIM OL YUT LONG SAIT BILONG BODI.**
 1. LONG TAIM YU WOKIM OL SPOT I GAT WINA (Olsem basketbol, volibol, i go, i go).
 2. LONG TAIM YU WOKIM OL GEM I NO GAT WINA (Olsem fani gem samting)
3. **OL ROT YU KEN YUSIM LONG STRONGIM OL YUT LONG SAIT BILONG FELOSIP (SOCIAL).** Mi tokaut hia long helpim ol yangpela man na meri long lain long toktok wantaim, na poroman wantaim.
 1. LONG TAIM YU BUNGIM OL YANGPELA MAN NA YANGPELA MERI WANTAIM. Klostu olgeta taim yu bai mekim olsem - long taim bilong yut felosip, prea bung, taim bilong spot, i go, i go.

¹ Mike Edwards, 28 Septemba, 1997, Goroka, Papua New Guinea.

2. LONG TAIM YU BRUKIM OL YANGPELA LONG TUPELA HAP: OL YANGPELA MAN NA OL YANGPELA MERI. Sampela taim i gutpela long brukim long tupela hap (olsem taim yu laik skulim ol man long sampela samting yu no laik tokaut long yau long ol meri, na yu laik skulim ol meri long samting yu no laik tokaut long yau bilong ol man).

4. **OL ROT YU KEN YUSIM LONG STRONGIM OL YUT LONG SAIT BILONG TINGTING.**
 1. LONG TAIM BILONG BIKPELA BUNG. Olsem long taim yu wokim Baibel quiz (traim save) long bikpela yut bung.
 2. LONG TAIM BILONG LIKLIK BUNG. Olsem long taim yu wokim Baibel quiz (traim save) long taim bilong yut felosip long sios bilong yu yet, o long taim bilong trinde yut bung, i go, i go.
 3. LONG TAIM YU BUNG WANTAIM WANWAN MAN. Olsem long taim yu disaipelim wanpela man.

(I gat moa yet)

LIKLIK TRAIM SAVE BILONG MINISTRI WANTAIM OL YUT

Nem bilong yu: _____

1. Bilong wanem sios i gat laik long kirapim ministri wantaim ol yut?
2. Olsem wanem yu ken save wanem samting bai givim biknem na glori long Bikpela long wan wan samting yu laik mekim?
3. Lista tripela bikpela mak yu laik ministri wantaim yut i ken winim.
4. Wanem taim sios i needim yut lida o yut pasto?
 - A. Taim sios i not gat sampela wokman long mekim.
 - B. Taim yut ministri i ran orait liklik.
 - C. Taim yut ministri i bagarap olgeta.
 - D. Taim ol papamama long ol yut i no gat laik long helpim.
5. Yut pasto (lida) i ken mekim gutpela wok sapos papamama bilong ol yut i no bihainim em.

TRU NOGAT

6. Ministri wantaim yut ken go bagarap sapos papamama o arapela memba bilong sios i sutim tok na tok baksait long pasto or yut lida.

TRU NOGAT

7. Givim namba long hamas wokman bai mekim yut ministri ran gut?

- A. Wanpela wokman o papamama long 20-30 yut.
- B. Tupela wokman o papamama long 20-30 yut.
- C. Foapela wokman o papamama long 20-30 yut.

8. Disaipelsip em i wanem samting?

- A. Skulim nupela Kristen long tising bilong Baibel.
- B. Skulim Kristen long autim tok, givim tract, na arapela samting.
- C. Mekim Kristen i bihainim pasin bilong yu na kamap olsem yu.

9. I mobeta sapos i no gat wanpela man i stap hetman bilong yut ministri.

TRU NOGAT

10. I gutpela long bungim olgeta yut wantaim (grade 7 i go inap long garde 12).

TRU NOGAT

11. I gutpela sapos yut lida bai mekim sampela yut aktiviti.

TRU NOGAT

12. I gutpela sapos yut lida i kirapim sampela bikpela yut aktiviti long

- A. Wan wan wik.
- B. Wan-wan mun.
- C. 6-8 wik samting.
- D. Wan wan dei.

13. Husat i mas baim ol samting bilong ol yut ministri.

- A. Ol yut.
- B. Sios.
- C. Yut na sios wantaim.
- D. subim wilbaro long kisim moni long ol yut aktiviti.
- E. Yut pasto o lida.

14. I gutpela sapos yu sindaun na makim olgeta samting yu laik skulim ol yut, inap long 2-3 yia bihain.

TRU

NOGAT

TINGTING BILONG MINISTRI WANTAIM OL YUT

Yu mas save long as bilong olgeta pasin na samting yu mekim long yut ministri bilong yu. Long dispela hap mi laik soim yu as na tingting bilong olgeta samting mi yet bin mekim, taim mi stap yut pasto long wanpela sios long Amerika. Dispela em bilong taim bipo mi bin kam long Papua Niugini. Sampela samting i no gat mining long PNG, tasol mi laik givim long yupela olsem wanpela piksa long skulim yu na helpim yu na kirapim sampela tingting long yut ministri insait het na kru bilong yu.

TOKSAVE LONG BAIBEL	I GAT WANEM MINING LONG YUT MINISTRI	DISPELA I KIRAPIM WANEM KAIN PASIN O TINGTING LONG YUT MINISTRI
1. Jems 1:22 1 Pi. 2:9b	Olgeta hap long yut ministri i givim ples long soim pasin bilong Kristen laip.	Olgeta samting (Baibel stadi; aktiviti; klas; traिम save; sevis; etc.) i givim ples long ol yut i ken soim na mekim Kristen pasin long laip bilong ol.
2. I Tes. 4:3-6 Rom. 13:14 Stat 26:8-9 Jop 31:1 Rom. 16:19c	<p>Yu mas tingting gut, na yu no ken mekim sampela samting insait yut ministri i ken givim traिम long yut o Satan bai inap yusim long bagarapim yut.</p> <p>Klostu olgeta taim i gutpela long larim ol yangpela man na yangpela meri i ken stap wantaim, lotu wantaim, pilai spot wantaim, na felosip wantaim. Dispela bai skulim man na meri long pasin na tingting bilong arapela. Dispela i helpim ol taim ol bai kamap marit.</p>	<p>Man na meri i no ken swim wantaim.</p> <p>Meri i no ken pasim sot trausis. Man i ken pasim sot trausis long taim bilong spot (gem) tasol.</p> <p>Man na meri i no ken pilim arapela o holim isi.</p> <p>Long taim bilong aktiviti yu no ken larim man na meri i stap wokabaut nating o hait.</p> <p>Yu mas skulim ol nupela yut long ol lo olgeta wan wan yia.</p>
3. I Kor. 14:26b,33,40 Snd. 18:9	<p>Long sios na Yut Ministri, God i laikim olgeta samting i ken ran gut.</p> <p>Yumi mas lukautim gut haus lotu, spots equipment, i go, i go.</p>	<p>Olgeta yut i mas helpim long stretim na klinim olgeta samting ol i bin yusim.</p> <p>Long taim bilong kaikai ol meri i mas go paslain, long soim gutpela pasin God i laik man i mas mekim long ol meri.</p> <p>Olgeta gem na aktiviti mas ran gut. Olsem na yu mas tingting gut pastaim na redim olgeta samting yu bai needim.</p> <p>Yut lida mas skulim ol wanwok (adult helpers) long olgeta pasin</p>

		na tingting bilong wokim gutpela aktiviti.
4. Jems 3:13 cf. 14-18 2 Kor. 1:12 Hibru 3:13; 10:24	Olgeta samting bilong yut program i larim ples ol yut i ken lukim na lain long pasin bilong ol yut lida. Olsem na ol lida i mas wokabaut gut na mekim gutpela pasin.	Olgeta lida i mas bung wantaim long prea, na toktok, na strongim arapela long Kristen laip. Ol yut lida i mas bung planti taim long skelim wok ol i bin mekim na bilong makim wanem samting ol bai mekim bihain.
5. Rom 13:7 1 Timoti 2:1-3 1 Pita 2:17	Yut ministri i mas lainim ol yut long prea long kantri bilong ol wantaim ol lida long gavman, na givim ona long kantri bilong ol.	Prea long ol gavman lida planti taim. Sampela taim long yut felosip yut lida i mas skulim ol yut long histori bilong kantri bilong ol. Sampela taim yu mas skulim ol yut long pasin Kristen i mas mekim long gavman (bihainim ol lo, sios na gavman i no ken bung wantaim, etc).
6. Sol. 9:10 1 Kor. 10:31 Kol. 3:23-24	Long yut ministri yu no ken larim dispela tingting i kamap olsem: i gat banis namel long samting bilong spirit na samting bilong bodi. Nogat. Olgeta samting long laip bilong ol Kristen i bilong spirit na i mas apim nem bilong Bikpela.	Ol Yut memorisim Baibel ves long wan wan wik. Skulim ol yut long givim 100% long olgeta samting ol bai mekim. I no bilong kisim biknem. Nogat. Bilong apim nem na givim glori long God.
7. Snd. 27:5; 28:4,23 Matyu 25:21,23 Kol. 3:16	Yu no inap helpim wanpela yut sapos yu larim em abrusim pe long sin o karamapim rong em i bin mekim. Taim yu haitim sin bilong wanpela, yu bagarapim em, yu no inap helpim em. Yu no ken larim wanpela yut i kamap lida o kisim bikpela wok, sapos laip bilong en i no stret na em i save sakim tok bilong God.	Putim ol standet bilong yut ministri antap, no ken larim i kam daun. I gutpela sapos yu gat sampela lo bilong yut ministri bilong yu. Tasol yu mas mekim wankain pasin wantaim olgeta yut. Sampela arere bilong wokim sampela lo long yut ministri i olsem: musik, pasin bilong pasim klos, toktok, pasin wantaim man na meri, i go, i go.
8. Snd. 15:22; 18:13; 20:18; 24:6b 1 Kor. 12:25 cf.	Long gutpela yut ministri olgeta wanwok i mas toktok wantaim na save gut tingting arapela wanwok	Olgeta yut woka i mas save gut long ol wok bilong en.

21-22	i gat long yut wok.	Olgeta yut woka i mas bung wantaim bilong prea, toktok, kirapim tingting long program, na stretim sampela samting i no wok gut.
9. Stat 43:9 Buk Song 4:8 Snd. 21:31	<p>Olgeta taim yu mas lukautim gut olgeta yut. Nogut sampela yut i kisim bagarap long sait bilong bodi.</p> <p>Ol yut lida i mas lukaut gut taim ol i draivim ka o truck bilong karim ol yut, etc.</p>	<p>Yut pasto, ol yut lida, o narapela adult i mas draivim ka long olgeta yut aktiviti.</p> <p>Olgeta draiva bilong ka i mas draiv gut na sekim ka pastaim long wel na petrol na arapela samting.</p> <p>Ol yut i mas kisim tok orait long ol yut lida bipo ol yut i ken mekim wanwan aktiviti.</p>
10. Fl. 2:20,22 1 Tim. 3:6 2 Tim. 2:2 Hibru 5:13-14	<p>Yut pasto i mas skulim gut olgeta manmeri husat i wok wantaim ol yut.</p> <p>Olgeta wokman bilong yut mas i stap gutpela disaipel bilong Jisas Kraus na laikim em tumas.</p>	<p>Olgeta wan wan wik yut lida (pasto) i mas bung wantaim ol arapela yut wanwok, na skulim ol long olgeta samting bilong yut ministri.</p> <p>Bipo yu askim wanpela man or meri long kamap wanwok bilong yu long yut ministri, yu mas skelim gut laip bilong en. Yut pasto i mas tok orait long dispela man o meri paslain long givim singaut long em.</p> <p>Olgeta yut woka i mas ritim Baibel na prea long olgeta dei, na soim ol mak bilong manmeri husat i kamap strong long Kristen laip. (2 Pita 3:18)</p>
11. Rom 2:11 1 Kor. 12:14,18, 25,27 3 Jon 9	Long yut ministri yu no ken apim sampela wokman antap long narapela. Olgeta wokman wantaim yut i mas i stap wankain long ai bilong ol yut.	<p>Yusim olgeta yut woka long wanpela wanpela taim long bosim aktiviti, wokim plans, etc.</p> <p>Wokim wanpela lo long ol yut i mas givim wankain nem long olgeta yut woka, olsem "sista" _____ o "brata" _____.</p> <p>Ol mak yu mas winim long kamap yut woka i mas stap wankain long olgeta.</p>

<p>12. Snd. 20:29a Sol. 9:10 1 Kor. 6:19-20; 9:24-27 1 Tim. 4:8</p>	<p>Kirapim gutpela tingting bilong spot na olgeta samting bilong sait bilong strongim na lukautim bodi.</p>	<p>Wokim kain aktiviti i ken helpim na strongim bodi bilong ol yut.</p> <p>Skulim gut ol yut wanwok long pasin bilong wokim gutpela spot na gem na aktiviti.</p>
<p>13. 2 Kor. 6:17 Ef. 5:10-11 1 Tes. 5:22 1 Pita 5:8</p>	<p>No ken yusim insait yut ministri wanpela samting bilong dispela graun o Satan.</p>	<p>Lukaut gut. No ken yusim gem, nem, musik, tingting, o arapela samting, bilong dispela graun insait yut ministri bilong yu! God i no ken blesim dispela.</p>
<p>14. Jems 1:27; 2:14 1 Jon 3:17-18</p>	<p>Yu mas wok long painim rot long yusim ol yut long helpim arapela manmeri (Olsem sevis long meri husat man i bin dai pinis o sampela sikmanmeri o lapun memba, etc.) Dispela bai kirapim daun pasin na pasin long givim bel long narapela insait bel bilong ol yut. Tu dispela pasin givim ona long Bikipela.</p>	<p>Wokim tupela wokboi/wokmeri dei long wan wan yia. (Em taim ol yut i ken helpim sampela memba long sios long klinim haus, o wok long gaden bilong en, o karim em long taun na bek gen, etc.).</p> <p>Wok strong long painim sampela rot we ol yut i ken autim gutnius (olsem ministri long kalabus, long komuniti skul, long haus sik, Pikinini sios, etc.).</p>
<p>15. 1 Pita 3:15</p>	<p>Ol Kristen i mas redi long bekim tok bilong ol haiden. Olsem na sampela wok long sait bilong tingting (olsem Baibel askim o quiz) bai lainim ol yut olsem wanem i ken bekim tok bilong ol haiden, na as bilong bilip ol Kristen i holim.</p>	<p>Wokim kain kain traim save (Baibel Quiz) olgeta wanwan o tutu mun.</p> <p>Skulim ol yut long pasin long winim tok pait (skulim ol long logic & debate)</p>
<p>16. 1 Sml. 14:27,30 Snd. 24:13; 25:16</p>	<p>Baibel i givim sampela toksave bilong gutpela kaikai. Olsem na yut ministri i ken i stap piksa na soim ol yut pasin bilong kaikai God i laikim ol i ken bihainim.</p>	<p>Long taim yu ken mekim, i gutpela long givim nambawan kaikai long ol yut. No ken givim rabis kaikai, na kai kai i samting nating olgeta taim long ol yut.</p> <p>Long wanwan taim i gutpela long skulim ol yut long pasin ol i mas mekim, sapos man i kisim sik o bodi i kisim bagarap.</p>
<p>17. Rom 15:14 Kl. 3:16</p>	<p>Olgeta yut woka i mas save gut olsem wanem i ken toktok wantaim wanwan yut na givim stia long em.</p>	<p>Yu mas lainim ol yut woka olsem wanem i ken helpim yut husat i gat kain kain hevi na trabel.</p>

		<p>Skulim ol yut woka long stap redi long painim ples bilong toktok wantaim wanwan yut.</p> <p>Skulim ol yut woka olsem: sapos yu toktok wantaim wanpela yut, tasol hevi i gat em i winim save bilong yu, yu mas go long yut pasto o pasto na askim em long kam insait na helpim yu.</p>
<p>18. Matyu 9:36-38; 28:19-20 Apos. 1:8</p>	<p>Em i wok bilong olgeta Kristen long givim gutnius long ol arapela manmeri.</p> <p>Insait yut program bilong yu, yu mas makim sampela taim long skulim ol yut long pasin bilong telimautim gutnius long ol haiden. Long dispela taim yu mas skulim ol long ol Baibel ves ol i ken yusim.</p>	<p>Ol yut lida i mas redi long skulim na soim ol yut olsem wanem ol i ken givim gutnius long narapela.</p> <p>Yu mas wok long painim sampela rot we ol yut i ken autim gutnius na toktok wantaim ol manmeri husat i no bin tanim bel (olsem outreach long maket, long kalabus, haus sik, etc.)</p>
<p>19. 1 Tim. 3:6</p>	<p>Mobeta sapos yu no larim ol yut i skulim ol yet.</p> <p>Husat i bosim felosip taim o autim tok long yut ministri i mas i stap strongpela Kristen.</p> <p>Sapos yu larim ol yut i skulim ol yet, planti taim planti hevi bai kamap (olsem antap pasin, no tanim stret tok bilong God, rong ting ting, givim bel hevi long arapela, etc.)</p>	<p>Larim ol gutpela Kristen man na pasto tasol autim tok long ol yut bung na yut felosip. Abrusim pasin bilong larim ol yut i skulim ol yet.</p> <p>Painim sampela arapela rot ol yut i ken kisim save na stat long autim tok na mekim wok long givim gutnius na skulim arapela long Baibel (olsem wok wantaim pikinini sios, o mekim liklik autim tok long liklik yut bung, autim tok long komuniti skul R.E. klas, etc.)</p>